



**Claudii Fleurii Abbatis Historia Ecclesiastica**

Ab anno Christi 1618. usque ad annum 1620

**Fleury, Claude**

**August. Vind. [u.a.], 1777**

**VD18 90118847**

§. 72. Barnefeldius capite plexus.

---

[urn:nbn:de:hbz:466:1-67326](#)

ut hujus Seniculi vitæ parcerent, & se Sæc. XVII.  
erga illum, qui vitam suam eorum ob- A. C. 1619.  
sequiis litaverat, benigniores exhibe-  
rent: Verum ad Regis monita clausæ  
erant Ordinum aures, atque in veniam  
inexpugnabilis animus Arausici Princi-  
pis, qui denegatæ postulationis contu-  
meliam se apud Ludovicum XIII. Fran-  
ciæ Regem purgaturum, ac Jacobi An-  
gliae Regis pariter Barnefeldio infensi  
deprecatione justam Christianissimi Re-  
gis indignationem placaturum polli-  
cebatur.

### §. LXXII.

#### *Barnefeldius capite plexus.*

Dies erat duodecima Maij, & quidem *Jæger Hist.*  
Dominica, qua Ordinum jussu Præ- *Eccl. 1. 9.*  
tor Barnefeldio posterum in diem, ho- *cap. 9.*  
ræ supremæ necessitatem indicabat. Ad  
mortis nuntium primo commotus, mox  
tamen collecto spiritu sedatus id unice  
quæsivit: *Meusne Grotius quoque morie-*  
*tur, & Hogerbertius?* Juniores sunt,  
multum adhuc obsequii Reipublicæ praestare  
possent, quibus dictis duo Verbi Calvi-  
niani Ministri Joannes Lamotius, &  
Antonius Walesius custodiam ingredie-  
bantur, ab Ordinibus immissi, ut mori-  
rituro Barnefeldio puram *Calvini doctri-*  
*nam* inculcarent, Arminianam autem

R 2 peni-

Sæc. XVII. penitus evellerent, ac denique perituri  
 A. C. 1619. corporis mentem æternitati compone-  
 rent. Ad hos igitur conversus Barne-  
 feldius rogabat, ne Arminianis graves  
 essent, ut quieta Respublica esse vale-  
 ret. Postea ex Judicum venia sequen-  
 tes literas ad conjugem, liberos, gene-  
 rum, & Nepotes perscripsit:

*Saluto vos omnes peramanter. Hac  
 ipsa hora ad me defertur nuntius durissimus,  
 ac tristissimus, nempe ut ego senex pro om-  
 nibus officiis, tot annis bona semper &  
 optima fide Patriæ præstitis, postquam ex-  
 cellentissimum Principem sincero affectu (tot  
 annis, & quibus potui servitiis, quantum  
 per munera publica & vocationes licuit)  
 humilibus obsequiis coluerim, multis ex omni  
 hominum genere benevolentiam exhibuerim,  
 nemine mortalium, quod sciam, injuria af-  
 fecto, ad mortem crastino die sufferendam  
 præparare me debeam. Consolor me in  
 Domino Deo, qui & omnium corda no-  
 vit, & omnes, quotquot sunt homines,  
 est judicaturus: Obsecro, ut & vos om-  
 nes iidem facere velitis. Dominis meis  
 Hollandiæ & West-Frisiæ Ordinibus,  
 nempe Dominis Nobilibus & Civitatibus,  
 animo Sincero, probo, & fideli inservii,  
 necnon Dominis Ordinibus Ultrajectensis  
 Provinciæ, utpote Patriæ meæ Supremo  
 Magistratui: ipsis potentibus sincerum Con-  
 silium dedi, & fidele, ut a Seditione po-  
 pulari,*

pulari, & Sanguinis effusione, a qua jam Sæc. XVII.  
dudum ipsis periculum imminuit, libera- A. C. 1619.  
rentur. Eadem erga civitates Hollandie  
intentiones meæ, nempe ut, nemine læso,  
omnes protegerentur. Vivite inter vos in  
charitate & pace. Rogate pro me Do-  
minum Deum omnipotentem, qui nobis  
omnibus sancto suo præsidio aderit. Ex  
tristitiae Cubiculo 12. Maij 1619.

Vestri amantissimus,  
Conjux, Parens, Socer & Avus,  
Joannes ab Oldenbarneveldt.

Altera die Barnefeldius, constructo  
interim ferali pegmate, coram Judici-  
bus comparere jubetur, criminum fe-  
riem, mortisque Sententiam perceptu-  
rus. Hic quidem ad dictatum mortis  
supplicium non exhorruit, cum vero  
de bonis suis fisco adjudicandis actum,  
commotior hæc regessit: *Vos Judices*  
*condemnationi indidisisti, quæ in mea con-*  
*fessione non habentur: sperabam quoque,*  
*satiatos fore Ordines Fæderatos vita, &*  
*sanguine meo, bona autem uxori, meisque*  
*liberis relicturos: id ergo præmium est pro*  
*quadraginta annorum præstitis obsequiis?*  
Verum surdis auribus fabulam canebat  
Barnefeldius, jam prius ab æmulorum  
invidia damnatus, quam perduellionis  
crimine convictus. Hora igitur ejus-

R 3 dem

Sæc. XVII. dem diei nona ad funeratum dederunt  
A. C. 1619. theatrum, sequente eum Lamotio Præ-

dicante, quocum Barnefeldius preces ad Deum fudit, cumque ad hæc per-  
venisset verba: *in manus tuas Domine  
commendo Spiritum meum*, ipsi caput uno  
ictu abserratum est, quod unacum cada-  
vere in ferali loculo repositum in inte-  
rioris Atrii fano terræ mandatum fuit.  
Hunc denique vitæ exitum habuit Bar-  
nefeldius septuaginta trium annorum  
senex, Batavinæ Reipublicæ Cato, re-  
rum Politicarum scientissimus Magister,  
maximæ, primariæque auctoritatis Vir,  
& præcipuorum Europæ Principum or-  
raculum, in quod Superi fautores com-  
promisisse videbantur tanquam unicum  
contentionum omnium arbitrum longe  
consummatissimum. Carpitur tamen  
ferme ab omnibus, genius ejus factio-  
sus, atque ad multa novanda semper  
intentum, inquietumque caput; inde  
provenisse ajunt immoderatum ejus stu-  
dium in tuenda Arminianorum nova-  
fecta, & quamvis eum sub defecationis  
Calvinismi defendendi obtentu Provin-  
cias sibi addictas jurisdictioni Fœdera-  
torum Ordinum eripere molitus fuisse,  
Gomaristæ faſo sparsissent, omnino ta-  
men certum est, quod pro Arminianæ  
fectæ commodis semper immotus stet-  
erit, eoque nomine a suis tanquam cer-  
tissimus

Limb. Rel.  
Hist. p. 22.

tissimus Religionis Calvinianæ Martyr Sæc. XVII.  
 proclamatus fuerit: Unde illa die, qua A. C. 1619.  
 Barnefeldius decepit, necnon altera ad-  
 huc die. Arminiani maximo numero <sup>Neuvill.</sup>  
 ad supplicii locum confluxerant, qui <sup>pag. 179.</sup>  
 Sabulum Martyris sui sanguine tintum  
 colligentes in pretiosis phialis religiose  
 asservabant, quin ullus hosce fanaticos  
 a superstitione suo fervore absterre au-  
 deret: Ceterum ex Gomaristis ferme  
 omnes Barnefeldium tanquam hæreti-  
 cum, ut vocabant, qualificatum tra-  
 duxere: attamen Calviniani Pastores,  
 ut ait Limborkius, *sub voce hæretici pro*  
*arbitrio ludunt, & nunc illas, nunc hos eo*  
*nomine censem, ut siue pro hæreticidio stent,*  
*siue contra, callide in utramque partem se-*  
*se possint vertere.*

### §. LXXIII.

#### *Barnefeldii epistola ad Ordines Ge- nerales Hollandiæ & Frisiæ Occidentalis.*

Infelix hic Barnefeldius, ut Adversa-  
 rios suos forte meritorum recorda-  
 tione ad miserationem fleteret, Hagæ  
 Comitis imprimi curabat quamdam e-  
 pistolam, in qua fusius sua in Rempu-  
 blicam merita Ordinibus Hollandiæ &  
 Frisiæ Occidentalis exposuit, quoniam  
 vero ibidem multa aperiantur arcana,

R 4                    præ-